

REGIONAL NEWS BULLETIN

Date – 25/04/2024 Time - 18:30 -18:40Hrs

HEADLINES (EVENING)

- Car loan pechhuak thin Mahindra & Mahindra Financial Service Ltd. Hnuaia hnathawk thenkhat leh Mizorama car dealer 5 ten loan lem hmanga Cheng Vbc 150 vel an tih chingpen chungchang chhui mek a ni.
- Environment, Forests & Climate Change Department hnuaia Nature Learning Centre (NLC), Champhai huaihawt, ni thum awh luidung thenfai leh humhalh hnatlang chu vawiin khan zawh fel a ni.
- Lok Sabha inthlan thawhnhnihna Consituency 88 ah vawiin khan vote thlak a ni.
- Election Commission chuan vawiin khan Lok Sabha inthlanpui thawhngana atana hriattirna a tichhuak .

<><><>

DGP PRESS CONF

Car loan pechhuak thin Mahindra & Mahindra Financial Service Ltd. Hnuaia hnathawk thenkhat leh Mizorama car dealer 5 ten loan lem hmanga Cheng Vbc 150 vel an tih chingpen chungchang chu vawiin khan DGP Anil Shukla an thutharthehdarhtute hmaah a sawifiah a,

He sum tihchingpen naah hian a bultumtu ber chu MMFL hnuaia Mizoram Area Business Manager, Jakir Hussain, kum 41, Tejpur Assam mi a ni a, a thurualpui mi 10 te chu man an ni tawh a, mi paruk jail-ah dah an ni tawh a, mi panga te chu thuzawhfiah atan police in an la kawl a, mi 11 an man zingah hian hnamdang mi pasarih leh tualchhung mi 4 an tel a ni.

DGP sawi danin, kumin March ni 20 khan Ankit Bagree, Circle Head Of MMFL chuan sum chingpen ni a rinhlelh a awm tiin Aizawl Police Station-ah thubuai a ziaklut a, complaint-ah hian Mizorama an Area Business Manager, Jakir Hussain an sum leh pai atihchingpen thu a thlen a. FIR thehluh hi bawhzui nghal a ni a, sum a tam tham avangin CID (Crime) SP kaihhruaina hnuaiah Special Investigation Team (SIT) din nghalin, a chhuichhuah hna hi anni hian an thawk ta a ni.

DGP sawi danin, Jakir Hussain leh a thurualpuite hian document lem chi hrang hrang 2000 dawn hmangin MMSL ah hian car loan an la chhuak tawh a, Aizawl-a car dealer CK Motor, Hyundai, NBE Tata, Rafael Nissan, Aidu Motor Renault leh Standard Motor-three wheeler te pawh he thil ah hian an inhnawih a, anni ho nen hian inthuralin document lem an siam a, a lem vekin thil an kalpui taa, Mahindra Finance Ltd tih hmangin account an hawng a, heng car dealer te nen hian he account hi an hmang ta a ni .

Police-te hian bank account 26 atangin Cheng Vbc 2.5 an freeze tawh a, car brand chi hrang hrang 15 Vbc 3 hu an man tawh bawk a, heng bakah hian laptop 3, mobile phone 10, file lem 549, seal lem 25, sim card 30 chuang, leh thil chi hrang hrang engemawzat an man tel bawk a ni.

MMFL hian thil diklo a awm tih an hriatchhuah dan chu, Mizoram-a mihring cheng zat ngaihtuahin car loan dil an tam lutuk chu an ringhlel a, amaherawhchu Jakir Hussain leh a thurualpui te hian rinhlelh an kai loh nan a khat tawka loan an rulh ve reng avangin an hrechhuak mai lo zawk a ni.



SERCHHIP MJA

Serchhip MJA member 11 te chuan Assam leh Meghalaya state-ah te Sericulture Press Tour neiin vawiin khan an lo haw a, chawhnu lamah Chief Minister Pu Lalduhoma a office-ah kawmin an zinnaa an thil hmuh leh hriat te an hriih nghal a, Sericulture Deptt Director Pu V.Zothansanga'n a tawiawm a ni.

MJA Serchhip District te hian Sericulture hmalak hlawhtlinna hmun hrang hrang- Fabric Plus.Gauhati, Chenglang.Bongaigaon, Bodoland silk park. Kokrajhar, Bhaoragwja Eri cluster leh Central Silk Board. MESSO, P3 unit Nongpoh te an tlawh a ni.

Muga silk pangang khawitu ten harsatna an neih thin Muga pangang tui duh hun a awmlo thin sut kianna tur in Central Silk Board in Mizoramah Office thar Muga P3 unit a dah na tur a mi pawimawh Dr Kartig Neog. Director, MESSO. Central Silk Board, Khanapara. Assam leh Central Silk Board Scientist mi pawimawh dangte nen an inkawm bawk.

Muga P3 unit kalphung zirchianna te nei turin Meghalaya Nongpoh hmun a, Muga P3 unit te an tlawh a, Dr Abishek. Scientist C in staff 3 lek hmanga hneh sawh taka unit a kalpui dan te leh farmer te tana Muga P3 unit a tangkai dan te pawh an zir nghal a, Bodo mipui nuai 10 vel zingah 42500 ten pangang khawi an hman tangkai dan an hmu a, Mizoram tan pawh hman tangkai theih ngei an beisei tih an sawi a ni.

Mizoramah Muga silk a hmasawna nei tur in department leh farmer lamah ruhrel awm nual tawh sa hmanga reilo te a farmer te hmasawna tura pen theih vat a chakawm an ti a, MJA member te chuan hand holding policy hmanga tih hlawhtlin theih vat an beisei tih an sawi a ni.

MJA member Press Tour a kalte hi Dr.Lalthlamuana Pachuau, Sericulture Scientist leh Lalduhsaki Ralte, Sericulture Promotion Officer, Sericulture Department Mizoram bakah MJA Serchhip Dist President Pu C.Lalhminghlua ten an ho a ni.



MNF PR

MNF MLA Pu Robert Romawia Royte chuan, Sasci sum kum liam ta 2023-2024 chhunga vbc 700 sanction tawhah, vbc. 233.31 chu hman lova chhuah a ni a ti.

Vawiin khan MNF Party Office Mizo Hnam Runah thusawiin, Pu Robert Romawia chuan SASCI sum hmahruai hi kum 2023 Oct ni 6 ah dawn a ni tawh a, thawk tura ruahman tawh chu ZPM sawrkarin sawrkar hmasa a dan ang thlapa contractor a thlan te a thawh tir duhloh avangin a lapse ta a ni a ti a. Chief Minister-in Assembly House-a a puan danin tun kum kal mekah hian SASCI ah Vbc. 500 hmu tur angin a insawi a, mahse a taka Mizoram allocation chu cheng Vbc. 275 chauh a ni ta si chu a pawl takzet a ni a ti a, Mizoram tan channa nasa tak a ni, a ti.

Pu Robert Romawia chuan ZPM an sawrkar hnu in Mizoram sum hnar lian ber thin GST ah 2023 aiin Feb 2024 thla khan zaa 14 in sum hmuh a tlahniam nghal

a. March 2024 ah zaa 29 in a tlahniam leh a, a hniam zawngin nasa takin an kal a ni a ti a. Chhungkaw sing 6 tana SEDP dawngtu tur thlanfel vek tawh, Administrative Approval bakah Expenditure sanction tih vek tawh chu an cancel vek a. Mirethei chawbel an benbuak sak a, Vbc 150 an chhawm atanga vbc 110 a thlai thar lei an tum pawh vawiin thlengin pakhatmah an la lei lo a, kuthnathawktute beidawnna an thlen chho mek a ni, a ti.

MLA Dr. Vanlaltanpuia pawhin thusawiin, MNF thahrui lian ber Mizo Nationalism chu hmasawnna milin na takin an kalpui zel dawn a ti a, 'India in ramri hung a tum leh FMR an tih bo dawn chuan, thuneihna an neilo,' tia, Chief Minister ber a tawng chhuak chu a pawh takzet a ti a. Mizoram, hnam kan sakhua tiboral zawnga penna reng reng chu MNF chuan an hmelma a ni a ti.



CLEANLINESS DRIVE

Environment, Forests & Climate Change Department hnuaiia kalpui mek Nature Learning Centre (NLC), Champhai kaltlanga buatsaih, ni thum awh luidung thenfai leh humhalh hnatlang chu vawiin khan zawh fel a ni.

He luidung thenfai hnatlang hi Tuipui luidungah neih niin, NLC Staff, Bethel Mission School, Govt. Bethel Middle School leh Forest Department Staff-te atangin mi 250 vel an thawk chhuak a. Champhai khawpui chawmtu tui lakna Tuipui lui leh a fintu Keilungliah luite then fai a ni a. Hnatlangte hian bawlhhlawh chi hrang hrang zu um ruak, plastic leh sarang, diaper, plastic bottle ruak, vawk thi, ui thi, ar thi leh oil chhia paihte an thianfai a. Tuipui luidunga kai hrang hrangahte bawlhhlawh bawm leh mipui zirtirna atan Signboard-te an tar nghal bawk a. Bawlhhlawh an chharkhawmte hi Zotlang Dumping Ground-ah halral tura paih nghal a ni.

Luidung thenfai hnatlanga thawkte hian mipui hnenah ngenna siamin, Champhai tui tlan ber Tuipui luidunga bawlhhlawh chitin reng paih a ni thin chu pawh an tih thu leh heng bawlhhlawhte hi a tawpin hriselna atan pawh a that loh thu an tarlang a. Dan zawm lova Champhai khawpui tui tlan ber Tuipui leh a fintu Keilungliah luidung bakah anmahni fintu kawrte leh a chhehvela bawlhhlawh paih mai mai thinte chu tun hnuah chuan paih tawh lo turin an ngen nghal bawk a ni.

Nature Learning Centre (NLC) hi Champhai Forest Division-in National Mission on Himalayan Studies (NMHS) project a kalpui mek hnuaiia mi a ni a; environment humhalh kawngah programme hrang hrang an lo kalpui tawh thin a ni.

Hetihlai hian Khawzawl Govt Model High School zirtirtute leh zirlaite chuan Khawzawl tui tlan, Tuichang hnar, Tuisen Lui an tifaia, zirlai leh zirtirtu mi 58 an thawk chhuak. Hnatlanga thawkchhuakte hian bawlhhlawh an chhar hi hmun remchang lai, kangmei laka hmun him laiah hal ral zel a, luidung an thenfai thui zawng hi km 6 vel a ni.



EDUCATION FAIR

Zirlaite'n zirnain sang zawk chhunzawmna tur an thlan theihna tura khawhmmuhna- Education Fair 2024 chu vawiin atang khan Aizawla Millenium chung zawl-ah neih tan a ni a, naktukah chhunzawm leh a ni ang.

SAPE Events & Media Pvt. Ltd buatsaih Education Fair-ah hian ram chhung hmun hrang hrang atangin zirna in 30 chuang an in hawng a, chung zingah chuan sorkar zirna in hriat hlawh te pawh an in hawng tel a ni.

Fair hi zirlai te'n an hlutin tlawhtu an thahnem hle niin kan corr chuan a sawi a, Fair-a kal te hi Seminar neih pui nghal an ni a, an tui zawng zirna tur an thlan thiam dan turte, Fair-a in pho chhuak zirna ina luh dan leh an zir chhuah hnua hna an hmuh theihna kawng te in hrilhhriat a ni. SAPE hian Aizawl-ah Education Fair hi an lo buatsaih fo tawh thin a, tun hi a trum 14-na a ni

Education Fair buatsaihtute chuan fair an buatsaih kaltlang hian zirna in sang zawk chhunzawmna tur hre lote kawh hmuh an lo ni tawh an ti a, mi tam takin hlawhtlinna an lo chang tawh thin an ti bawk a. Fair in a tum ber chu zirlaite zirna in thaa na luh theih nan leh scholarship an hmuh theihna tur lo kawh hmuh tura hmalak pui a nih thu an sawi.

SAPE Events organiser Sanjay Thapa hnen atangin an hmalakna hi lo ngaithla ang.



LOK SABHA 2ND PHASE

Lok Sabha inthlan thawhnhnihaah tukin dar 7 atanga tlai dar 6 thleng khan vote thlak a ni.

Inthlan thawh hnihaah hian Parliament constituency 88 ah vote thlak a ni a. Inthlan thawhnhnihaa tel ve tur Madhya Pradesh-a Betul (ST) Parliamentary Constituency chu BSP candidate a thih avangin inthlan thawh thumnaah sawn a ni.

State 12 leh Union Territory pakhtah vote thlak a ni a. Kerala-ah seat 20, Karnataka-a seat 14, Rajasthan-a seat 13, Uttar Pradesh leh Maharashtra ah seat 8 ve ve, Madhya Pradesh ah seat 5, Assam leh Bihar ah seat 5 ve ve, West Bengal leh Chhattisgarh ah seat 3 ve ve leh Tripura leh Jammu and Kashmir-ah seat khat ve veah inthlan a ni ang. Hei bakah hain Outer Manipur parliamentary constituency chhunga Assembly bial 13-ah vote thlak a ni bawk ang.

Candidate hi an vaiin 1202 an awm a. Candidate hming langsar zingah BJP atangin Union Minister Rajeev Chandrasekhar, Tejasvi Surya, Hema Malini, Arun Govil leh Om Birla. Congress atangin Rahul Gandhi, Shashi Tharoor, DK Suresh leh JDS atangin Karnataka chief minister hlui HD Kumaraswamy te an tel a ni.

Polling station nuai 1 sing 6 leh sang 7 chuang awmin voter vaibelchhe 16 chuang inthlan thawh hnihaah hian an awm a ni.



5TH PHASE ELECTION

Election Commission chuan vawiin khan Lok Sabha inthlanpui thawhngana atana hriattirna a tichhuak a. Inthlan thawhnganaah hian Lok Sabha seat 49 ah inthlan buatsaih a ni dawn a. Heng seat te hi state paruk leh Union Territory pahnih chung ami an ni a. Uttar Pradesh ah 14, Maharastra ah 13, West Bengal ah pasarih, Odisha leh Bihar ah seat nga ve ve, Jharkhand ah seat 3 leh Jammu and Kashmir leh Ladakh-ah seat khat ve ve ah te vote thlak a ni ang.

Inthlana din tumte tan vawiin atanga thlaleh May ni 3 thleng nomination thehluh theih a ni a. May ni 20 ah vote thlak a ni ang. Vawiin atang vek hian Odisha Assembly inthlan thawh hnihaa din tumte tan nomination thehluh tan theih a ni bawk.

